

阿育王傳

卷五

四百卅五
合內五

51051



元祿九年丙子二月日重修

皇圖翠固 帝階綴昌

佛日增輝 懋輪崇轉

山城州天安寺法金剛院置

法華經

阿育王傳卷第五

西晉安息三藏安法欽譯



禽

優波鞠多因緣第十一

尊者優波鞠多在摩突羅國那羅跋利精舍
阿練若處住

時北方有一男子念佛出家讀誦三藏善能
說法所到之處三契經偈然後說法後自思
惟厭倦如此經唄之事欲求坐禪聞摩突羅
國有優波鞠多雖無相好教授禪法最為第
一即到其所合掌白言唯願尊者教我禪法
尊者鞠多觀察此人必應現身獲得漏盡復
更思惟此人今者應教何法而登聖位乃知

其人爲他說法當入聖位尊者。毘多語。彼比丘曰。尔隨我勅。當教授汝。比丘荅言。唯願奉教尊者。語言汝於今夜宜應爲人演說法教。比丘即更作三契。明而欲說法。問尊者言。當說何法。尊者荅言。當說多聞有五事。利益善解諸大善。知諸陰善。知諸入善。知十二因緣。自善解了。不從他受悟。三契明已。說法已竟。便得阿羅漢。毘多語言。子擲籌著窟中。充其一數。尔時宿羅城中有一商主。名爲天護。於佛法中生敬信心。恒樂施與。欲入大海。求於珍寶。而作是言。我今入海安隱。得還當於佛法作般遮。于瑟護佛法。神當擁護我。即便發

引到於寶所大取珍寶安隱迴還時有羅漢
比丘尼入定觀察彼長者竟爲作不觀見必
作重復思惟誰爲福田知有一萬八千羅漢
二倍學人及以生死持淨戒者當爲福田又
觀此衆誰爲上座而是上座爲是羅漢爲是
凡夫知非羅漢乃至復非須陀洹人乃是淨
持戒人名阿沙羅我若發悟必受我語即往
僧中語上座言上座何不好自莊嚴上座意
解謂嫌髮長衣服垢膩即剃鬚髮淨自澡浴
比丘尼念言上座不解我語後日更至上座
前亦作是言何不自嚴飾上座謂爲衣色不
正便更染衣而來僧中比丘尼復至上座阿

沙羅前又作是言何不好自莊嚴上座瞋言
我淨澡浴著新染衣有何不莊嚴

比丘尼言此非佛法中莊嚴佛法得須陁洹
斯陁舍阿那舍阿羅漢是名莊嚴

又復問言上座汝聞天護長者入大海還欲
作般遮于瑟不上座荅言已知又問福田之

人可有幾許汝爲知不荅言不知比丘尼言
作福田者純阿羅漢有万八千在學地人淨

持戒者二倍羅漢汝爲上座云何以此有漏
之心最初受他供養恭敬上座聞已便欲悲

泣比丘尼言何以悲泣上座荅言我今年老
云何能得盡諸漏也比丘尼言佛法現在今

人得果不擇時節大善丈夫之所讚歎但能
修行必得盡漏一切時中常能與果上座今
可往那羅跋利阿練若處尊者毘多今現在
彼當教授汝於是上座便往其所尊者毘多
即出迎接以水與之使令洗脚上座言不見
長老優波鞠多終不洗脚諸弟子言此是毘
多即時洗脚而入尊者毘多教化檀越作好
飲食洗浴衆僧洗浴既已優波鞠多時使維
那打犍椎作是唱言恭敬解脫羅漢悉入禪
坊時阿沙羅睡不覺唱輕入禪坊入已復睡
衆僧作制其若睡者擎燈供養時阿沙羅最
爲上座先在前睡維那即便促燈著前而三

彈指阿沙羅覺起而擎燈巡座供養尊者趨
多入火光三昧万八千羅漢亦皆同入火光
三昧阿沙羅見已歎善覆自慚愧即說偈言
和合共一處 跏趺如龍盤 咸皆在地敷
定心而端嚴 皆入勝三昧 光明如燈樹
稟形同是人 瞻仰所不及
尊者見阿沙羅其心調順即授以法得阿羅
漢與籌著窟中於是阿沙羅還於本國比丘
尼見上座來而語之言今始端嚴上座答言
蒙汝恩故今得端嚴尔時長者天護即作般
遮于瑟聚集十六万八千羅漢復有二倍學
人淨持戒者時此衆中阿沙羅最爲上座而

為呪願所施極少受果報勝長者問言佛種
種說法云何九十日正見上座作此二語上
座答言子為欲發汝本善根故汝今知不過
去九十一劫毗婆尸佛時我之與汝俱為商
主莊嚴船舫得入大海大賣珍寶到於沙壇
垣即以珍寶聚於沙上為毗婆尸佛作塔有
天神言過七日已當有大浪水將汝安隱至
閻浮提而作供養我之與汝以造塔緣九十
一劫不墮三惡八難之處常生人天重以斯
業又於今日我得羅漢而汝遭值最勝福田
得供養是一万八千阿羅漢等此非少施果
報極多也長者子生死長遠何以不入佛法

出家時長者子即便出家得阿羅漢尊者優
波翹多在那羅跋利阿練若處今時摩突羅
國有一婆羅門深著我見有優婆塞語婆羅門
言何處有我婆羅門言誰說無我法優婆塞
言尊者翹多純說無我之法於是婆羅門即
往阿練若處見尊者翹多與千萬衆前後圍
遶而爲說法尊者翹多見婆羅門已知其心
念爲說無我及無我所亦無有人亦無丈夫
無有衆生諸陰皆是生滅之法亦復皆是苦
空之法婆羅門聞說此法即斷身見悟須陀
洹出家學道得阿羅漢尊者翹多而語之言
取籌擲著窟中尊者優波翹多在摩突羅國

時有一族姓子出家恒患睡眠教授與法常
復睡眠尊者教語遣令向阿練若處坐一樹
下覆復睡眠尊者毬多於其坐處周而化作
深千肘坑忽便驚覺極大惶怖心念和尚優
波毬多即時尊者毬多化作一小徑得使通
行便從中過至尊者所教授已遣還本處去
至樹下生大歡喜和尚脫我深坑之難尊者
即立其前語言此坑不深若墮三惡道坑又
墮生老病死之坑甚深於此汝若不見聖諦
生老病死之坑復過於此汝聞此生老病死
坑已便離睡眠精進思惟得阿羅漢尊者毬
多即遣擲籌使著窟中

尊者優波鞠多在那羅跋利阿練若處時東方國有一族姓子於佛法中出家學道善能營事所至到處諸比丘衆皆共勸請使知僧事作如是言長老必營僧事檀越因汝得生善根衆僧因汝獲得供養時彼比丘厭倦多事不肯營理聞優波鞠多教授第一即往其所白言唯願尊者教授我法尊者觀察此是最後身應獲道果唯福未具是以不得尊者語言若隨我勅當教授汝荅言唯然受教尊者語言汝當爲衆僧勸化辦於供養白言尊者我未知此國誰有信心者荅言汝但往化必有信心者比丘聞已便於中前者衣持鉢

入摩突羅城有一最勝長者見此比丘生末
曾有心想往禮敬而問之言阿闍黎欲須何
物荅言尊者邇多使我教化我今不知此中
人民誰有信心誰無信心長者言阿闍黎慎
勿憂愁一切所須我悉為辦荅言明日欲供
衆僧長者即為辦具比丘得已在上座前長
跪捉食衆僧上座即為呪願呪願已訖得阿
羅漢尊者邇多語使取籌擲著窟中
尊者邇多在摩突羅國於那羅跋利阿練若
處住時南天竺有族姓子入佛法出家善解
造作塔寺所行來處諸比丘僧每常請作僧
房塔寺其後不久心生厭倦營務之事往詣

優波鞠多所白尊者言唯願教我禪定之法
尊者觀察此比丘者必應現身盡漏得道修
福未足又復觀察以何事緣可得成道知彼
事要營造塔寺然後得道遂便語言能隨我
勅當教授汝荅言受教尊者勅言未作塔處
今造塔寺未作僧房處為諸賢聖造作僧房
白尊者言阿闍梨未知此國誰信誰為不信尊
者語言汝足堪能但勸化去晨朝著衣持鉢
入城乞食見一長者長者接足為作禮敬而
問之言阿闍梨從何處來荅言我從南天竺來
長者問言欲作何事荅言我從尊者鞠多求
受禪法尊者教我使營塔寺造作僧房長者

語言莫有憂愁一切所須悉當供給於是比丘將此長者共量佛地繩未到地比丘便得阿羅漢果使捉一籌著於窟中雖得羅漢所營塔寺盡使都訖

尊者邈多在摩突羅國有一族姓子詣尊者所入法出家貪嗜飲食由此貪故不能得道

尊者即請此比丘明日受我食明日尊者爲作乳糜盛滿鉢與語言待冷而食使口氣吹冷語和尚言已冷尊者言子今食雖冷汝欲心火然亦應以不淨觀水洗汝心欲令欲火滅尊者以一空器著比丘前語言吐糜滿器尊者語言食再嚼此糜吐空器中不欲吐之

僂仰而吐。此所吐食語。尊者言涎唾以合云。何可食尊者語言。一切飲食與吐無異。汝不觀察也。汝今應觀食不淨。想即時聽法。盡諸結。使得阿羅漢語。使擲等著於窟中。

南天竺有一族。姓子少欲知足。好於麁弊。不以酥油塗身。亦不煖湯洗浴。亦不食酥油乳酪。厭惡生死。身體羸劣。不能得道。而作是言。誰當教授我。聞尊者優波鞠多在摩突羅國。便往至其所。到已。尊者觀察。應現身。盡漏。以羸劣。故不能得證。尊者即煖浴室。辦諸浴具。約勅年少道人。爲塗酥油。以水洗浴。與好飲食。身心柔軟。爲說法。要即盡諸漏。得阿羅漢。

於是以籌擲著窟中

摩突羅國有一族姓子辭父母欲向尊者趨
多所求欲出家既出家已極愛著身故復欲
還家便往尊者所辭欲還家尊者語言且任
明日明日禮尊者足即欲還去道中見天寺
而作是念若還向家父母或能爲我作留難
事不如即在此天寺宿明日當還詣尊者所
尊者即夜化一夜又擔死人來更有一夜又
空手而來二鬼共諍一言我擔死人來第二
者言我擔死人來前一鬼言我有證人此人
見我擔死人來時此人念言我今畢定死竟
應作實語語後鬼言此死人者前鬼擔來非

是汝許後鬼大瞋拔其一臂前鬼以死人臂
還續如故後鬼復拔一臂前鬼更拔死人臂
還復補處後鬼拔其兩脚前鬼悉以死人脚
補之如本如是二鬼共食所拔新肉即便出
去於是愛身之心即便都滅後至尊者所度
使出家爲說法要得阿羅漢便令擲籌著於
窟中南天竺有一族姓子入佛法出家愛樂
己身數數洗浴酥油塗身食好美食身體肥
壯不能得道即向尊者所而作是言唯願教
授尊者觀察此比丘者現身應得漏盡以著
身故是以不得尊者語言能受我語當教授
汝化作高樹語令上頭四邊化作千肘深坑

語言放右手又言放右脚後放左脚更復語
言盡皆都放此人于時分捨身命都放手足
即時到地不見深坑亦不見樹爲說深法得
阿羅漢便語擲籌著於窟中

摩突羅國有族姓子向尊者邈多所欲求出
家於是尊者即度使出家以慳覆心故不能
得道尊者勅言汝今可修布施之業白尊者
言都無所有以何布施尊者言如法所得飲
食衣鉢之餘持施上下座初日語時不肯欲
與後日尊者遣二弟子在是比丘兩邊而坐
各耳中出光是慳比丘生敬上心減少食分
施上下座後日有檀越多持好飲食來與便

心生歡喜而作是念由昨日少施今日得色
復轉多施上下座如是慳心破已尊者爲說
法要得阿羅漢遂便語使擲籌窟中

摩突羅國有一族姓子詣尊者所求欲出家
即聽出家常好睡眠不能得道尊者勸多遣
使向阿練若處坐禪復眠尊者化作七
頭毗舍闍倒懸空中卒覺見已極大怖畏走
詣和上所和上問言汝何以來白和上言在
彼林中有七頭毗舍闍倒懸空中極可怖畏
尊者語言汝今還去詣彼坐禪白言極怖不
敢復去尊者言毗舍闍不足畏怖更有極可
畏者汝不畏之睡眠可畏甚於毗舍闍毗舍

闇遮汝睡眠睡眠遮汝聖道毗舍闇者能害
一身睡眠之患害無量身毗舍闇者不能使
人留住生死睡眠之患淋漏於人流轉生死
汝今還去詣彼坐禪從是已後畏毗舍闇不
敢睡眠思惟法相豁然解悟得阿羅漢語使
捉籌擲著窟中

有一族姓子詣尊者優波鞠多所出家尊者
即時度使出家爲其說法得須陀洹道而語
之言生死之法不問多少皆可惡賤汝當勤
求上果彼此丘作是念言我已斷三惡道何
須進求上勝之果遊恣縱捨人天之中極至
七生此何足計尊者趣多將是比丘入摩突

羅乞食真陀羅村中見一小兒舉身生瘡瘡
中滿垂尊者詢多語是比丘言見此小兒不
此小兒是須陀洹人族姓比丘問尊者言以
何因緣生真陀羅家遍身生瘡疽垂臭穢尊
者荅言佛在世時有一禪房中有維那有一
羅漢比丘身體少痒把搔有聲維那瞋言
汝身有疽垂瘡耶此中把搔出向真陀羅村
去羅漢比丘語言莫作是語使汝得罪尔時
維那即從懺悔精進用行得須陀洹道不求
上進由是因緣舉身瘡生疽垂臭穢生真陀
羅家受大苦惱彼比丘聞是語已即勤精進
得羅漢道便復與等壽令著窟中

真陀羅子尊者翹多即爲說法得阿那含道
生淨居天

摩突羅國有族姓子詣尊者所而求出家出
家已尊者教觀不淨結使暫不現前自謂已
得聖道更不求上勝尊者語言子莫自放逸
勤求聖道白和尚言更何所爲我今便已得
阿羅漢尊者告言子汝但未見軋陀越國迦
羅和女故自言是阿羅漢以未斷結使生憍
慢心白和上言我欲遊行詣彼村落尊者言
子去於是便去漸漸遊行至軋陀越國得又
尸羅城晨朝持鉢入城乞食次第乞食到迦
羅門中女擎食出而少現齒於是比丘便起

欲心顛倒惑著以鉢囊取酥取麩彼女亦生
欲心而作是語阿闍梨不觸我手不聞我聲
暫遙見我而生欲心彼此丘久習不淨觀取
其齒相即觀作白骨人因是白骨人觀得阿
羅漢便說偈言

慾現外賢好

嬰愚深感著

知了內生獸

亦復不減損

見其實體相

心即得解脫

以漸還來至摩突羅國見尊者詢多尊者語
言汝見迦羅和女不答言稱實見尊者言善
哉汝所作事今始得辦於是便擲籌窟中
摩突羅國有一長者錢財所有自然衰耗家
計幾盡唯五百舊金錢在作是思惟我今當

詣尊者邈多所而求出家此金錢者作醫藥
直療治疾病即詣尊者出家得出家已常倩
他沙弥藏此金錢尊者語言若能知我無我
是名出家此五百金錢可與衆僧答言和尚
此五百錢是我衣服湯藥之直尊者即將向
房裏化作千金錢語言此千金錢作汝衣服
湯藥之直汝五百金錢施與衆僧從和尚教
便以施僧尊者教授即得羅漢於此金錢不
復貪著遂語擲籌許著於窟中

摩突羅國有族姓子詣尊者所出家學道尊
者即便教授以法得須陀洹得已不復進修
尊者勅言汝勤修道業答言和尚我以斷三

惡趣何須更修尊者晨朝著衣持鉢共此比丘向摩突羅城次第乞食乃至真陀羅子身有癩瘡父母以葦削削瘡極令血出而為著藥患其疼痛不能堪忍尊者語其弟子言汝見此不此是須陀洹問和尚言以何業緣受大苦痛尊者答言佛在世時禪坊之中有一維那時有羅漢比丘身生瘡痍少多把搔維那瞋言汝身上瘡以葦刷把即挽手而出語之言汝向真陀羅村去阿羅漢語言汝得大罪今可懺悔時彼維那懺悔精進得須陀洹得道訖不求進故受此大苦生真陀羅家介時比丘聞是語已心開意解精勤不久得阿

羅漢便使擲筭壽者於窟中

尊者即為真隨羅子說法得阿那含道命終
之後生淨居天

摩突羅國有一勝長者生於一子年始一歲
命終復生一長者家亦年一歲而復命終如
是次第生六長者家皆年一歲而便命終最
後復生第七長者家其年七歲為賊將去尊
者趨多觀此小兒應當現身得於道果而復
為賊之所惱尊者復為度彼即便入窟化作
四兵欲捉彼賊彼賊恐怖來向尊者叩頭禮
拜尊者見已為說法要得須隨沮捉此小兒
手布施尊者尊者於是度此小兒及彼劫賊

令悉出家皆得阿羅漢盡各語使擲籌窟中
尊者語此小兒可觀汝親族而化度之於是
小兒即坐觀察見於七世本身父母愁憂苦
惱便到其家而語之言我是汝子莫大愁惱
即爲說法皆得須陀洹如是七長者家悉爲
說法皆得須陀洹

摩突羅國有一族姓子詣尊者所出家尊者
教使坐禪便得世俗定初禪二禪乃至第四
禪得初禪時便自以爲得須陀洹及得二禪
謂得斯陀含三禪謂得阿那含四禪謂得阿
羅漢更不進求上勝之法尊者勅言汝莫放
逸應求上勝法答言我已得阿羅漢更求何

勝法尊者欲化度彼作善方便而語之言子
汝可遊化詣諸聚落於是受教遂便發去尊
者即於道中化作賈客復化作五百群賊來
破賈客殺害斫刺族姓比丘即生恐怖自知
非阿羅漢而作是言我雖非阿羅漢是阿那
含時彼賈客亡破之後有一長者女語是比
丘言阿闍黎將我共去比丘答言佛不聽我
與女人獨行長者女言我遙望阿闍黎而隨
後行比丘憐愍故相望而行尊者復化作大
河長者女言阿闍黎渡我過河道人在下流
婦女在上流婦女墮河佛聽比丘水火難處
捉婦女出女婦墮河語比丘言救我此難介

時比丘即便捉出當捉之時生細滑想便起
欲心於是自知非阿那含出河已竟女作是
言阿闍黎活我命即是我大家道人心生交
通之想捉女人手將向屏處欲共行慾乃見
是尊者毘多毘多語言汝言得阿羅漢云何
如此尊者即便將至僧房教其至心懺悔罪
咎為說法要即得阿羅漢語使著壽於彼窟中
摩突羅國有一長者子新娶婦竟辭其父母
向尊者所求哀出家尊者即時度使出家教
以禪法及其坐禪心念已婦顏貌端正尊者
即化其婦在前而立比丘見已語其婦言汝
何以來答言汝喚故來比丘復言我跏趺坐

來默然無言何時喚汝荅言汝口雖不喚我
覺觀喚我汝以口喚便為慙愧若以心喚不
為慙愧寧為心慙愧不口慙愧口由心生心
不由口汝不欲觸若不欲見者何為有此覺
觀之念汝捨欲若既復還念如似嘔吐而更
食之介時者現身尊在前為說法要得阿羅
漢即著籌窟中
尊者趨多遊行聚落到曠野中見五百客放
牛人皆來迎尊者接足作禮在一面坐尊者
為說法要悉得須陀洹果以牛還主放牛人
於是出家盡得阿羅漢遂使擲籌於窟中
摩突羅國有一族姓子詣尊者所出家學道

尊者勸多教授禪法即得世俗四禪得初禪時自謂已得須陀洹果乃至得於第四禪時自謂已得阿羅漢果尊者語言汝勤精進可求上勝答言和尚我已得羅漢尊者意欲更授禪法使在阿練若處住尊者遣化道人往問評問評已在一面坐化道人問言汝於誰邊出家答言我尊者勸多所出家化道人言汝大福德汝之和尚是無相好佛化道人問言汝誦何經答言我誦修多羅毗尼阿毗曇又問言汝於佛法頗有所證未答言我有所證已得須陀洹乃至得阿羅漢又問言汝修何道得此四果答言我以世俗道化比丘言

若以世俗道者汝非得道果是凡夫人聞是語已便於三界生馱患心即詣尊者所白和尚言我非得道唯願和尚更教授我於是尊者即時教授禪法精進修習得阿羅漢便語擲籌著於窟中

摩突羅國有一長者子新娶婦已心生念言我於佛法欲求出家便辭父母父母荅言我唯有一子死猶不放何況生在子白父母言若不放我我終不食於是斷食從初一日乃至六日父母恐其死故即語之言當從汝願但出家後與我相見子言若放我者當來奉見於是父母便放出家即詣尊者所出家而

自念言我與父母有要若得出家許還往見
便白和尚往見父母及見已婦婦語之言汝
若不與我爲夫婦之道我棄汝死時此比丘
即生悔心欲得捨戒作是念言我先見和尚
然後捨之詣和尚所稽首白言我欲還家尊
者告言小住且待明日於是尊者即於其夜
爲作現夢使是比丘夢到父母家見其婦死
父母親族嚴備葬具送其婦屍棄於塚間須
臾之頃見青瘀爛臭蛆虫滿中忽然驚覺即
以夢事往白和尚和尚聞已而告之言汝可
往看實如夢不時此比丘乘和尚神力忽便
到舍見其父母已送婦屍棄著塚間蛆虫咬

食如其所夢思惟觀察重生狀惡得阿羅漢
即便還來和尚問言汝見婦不答言已見婦
之實相遂便語使擲籌筥中

有一族姓子詣尊者所出家學道尊者教授
獲得四禪自謂已得四沙門果尊者勸多知
其未得而作方便教使六日供養衆僧族姓

比丘往摩突羅城見五百優婆塞皆來禮拜
語此比丘言阿闍梨欲作何等答言彼阿練
若處課我六日供養衆僧優婆塞言阿闍梨
莫愁此事當爲辦之尔時比丘即生慢心自思
惟言我非羅漢阿羅漢者已斷慢心詣和尚
所而作此言唯願和尚當見教授我猶未得

阿羅漢也於是尊者為說法要得阿羅漢即
便擲籌著於窟中

時罽賓國有一比丘名曰善見獲世俗四禪
得五神通若無雨時常能請得雨起增上慢
自謂已獲阿羅漢果尊者龜多將欲度彼化
使十二年旱諸人驚怕詣尊者所而作是言
願為我等請雨尊者荅言我不請雨罽賓國
有善見比丘極能請雨於是國人即遣使往
請彼比丘善見比丘便受其請以世俗五通
力飛至摩突羅摩突羅國中人民勸請言阿
闍梨為我請雨便為請雨時乃大雨滿閭浮
提一切人知生大歡喜皆設供具而來供養

今時善見大得利養便起憍慢而作是言優
波邇多所得供養不如於我便自思惟阿羅
漢者無有我慢將知我今非是羅漢即往詣
尊者求教授法尊者語言汝不堅持佛法云
何教汝佛不聽比丘請雨汝復生憍慢云何
自言我得羅漢即向尊者至心懺悔尊者教
授便得羅漢使著籌窟中

尊者邇多作是念言提多迦爲出未也觀猶
未出尊者今時將比丘衆至提多迦父母之
家漸漸轉少唯二比丘往到其家乃至獨往
長者問言阿闍黎何以獨行荅言無有弟子
是故獨行欲供給者便來供給長者言我樂

居家不得供給若後有子共相給使尔時長者生子皆死後生一子字提多迦漸漸長大往尊者所遂使出家學道年滿二十與受具戒初白之時得須陀洹第一羯磨得斯陀含第二羯磨得阿那含第三羯磨得阿羅漢尊者邈多作是思惟我化緣已訖以法供養佛竟饒益同梵行者使諸檀越大得饒益而今正法相續不絕又作是念我多利衆生有窟長三丈六廣二丈四得阿羅漢者各以一四寸之籌滿此窟中今涅槃時到語提多迦言子佛以法付囑迦葉迦葉以法付囑阿難阿難以法付我和尚商那和修商那和修以法

付我我今以法付囑於汝尊者璽多告諸大
衆却後七日我當涅槃今時即集十萬羅漢
學人與淨持戒者不可稱數白衣之衆無量
千萬尊者於是飛騰虛空作十八變使諸四
衆皆生歡喜於無餘涅槃以窟中籌燒尊者
身一萬羅漢見尊者涅槃亦入涅槃諸天種
種供養已然後起塔如來涅槃以法付囑人
亦不得久住何以故諸天不擁護故若付囑
天法亦不得久住何以故諸天放逸故是以
如來付囑人天法得久住如來欲涅槃時入
世俗心作是思惟諸四天王應來我所時四
天王已知佛心來至佛所右遶三匝頭面作

禮在一面坐佛告四天王我今不久當入涅槃我涅槃後汝等諸天擁護佛法別語提頭羅吒汝可擁護東方佛法語毗樓勒汝今擁護南方佛法語毗樓博叉汝今擁護西方佛法勅毗沙門汝今護持北方佛法滿千年已法欲滅時非法衆生極爲甚多於閻浮提破壞十善放大惡風天不降雨穀米勇貴霜雹爲災河泉少水樹無華菓人之威德生酥熟酥漸漸竭少未來之世當有三惡王出一名釋拘二名閻無那三名鉢羅燒害百姓破壞佛法如來肉髻及以佛牙當至東天竺南方有王名釋拘將十萬眷屬破壞塔寺殺害衆

僧西方有王名曰鉢羅亦將十萬眷屬亦破
壞塔寺殺害道人北方有王名閻無那亦將
十萬眷屬破壞僧坊塔寺殺諸道人東方當
介之時諸非人鬼神亦苦惱人劫盜等賊亦
甚衆多惡王亦種種苦惱謫罰恐怖乃至東
方拘舍弥國王名曰大軍亦有十萬軍衆圍
遶大軍王生一子身著鎧甲手中把血從母
胎中出其身有大力士之力介時五百長者
同時生子皆身著鎧甲手中捉血從母胎出
即於其日天大雨血大軍王便使相師占相
其子相師言曰此兒必當王一天下唯有一
過多所傷害初生子時大設供養極有威德

如日之威難可看視是故名爲難可看視乃
至年滿二十介時三惡王毀滅佛法殺害一
切欲向東方大軍王聞其欲來玉極大恐怖
而作是言此三王今同心擊我我當云何有
天神語言汝以天冠著子頂上捨王位與汝
子將五百力士足能摧伏大軍王即捨王位
及以天冠結頂之具悉以與子即名此子爲
難看王五百力士用爲輔相

五百輔相各自莊嚴辦種種器仗即共鬪戰
殺彼三王并其眷屬所將兵衆悉皆除滅便
還舍弥作閻浮提王時華氏城中有婆羅門
名曰大與多知博學一切典籍無不了達取

大種姓與已相似娉以爲婦大福德人當從
此生當懷妊時作意欲與一切論士共爲論
議相師占言此子生者必能摧伏一切論士
乃至滿足十月而生面貌端正及年長大亦
能通達一切典籍有五百婆羅門作受學弟
子從其習學經論呪術如是多諸弟子即名
此兒爲多弟子即辭父母出家學道讀誦三
藏經書都盡尔時華氏城中有一長者名曰
須達那取門戶齊等女以爲己婦有勝人當
生於此當懷妊時母樂閑靜心意調善好修
忍辱相師占言此是兒志乃至初生即名須
達秦言善意後以漸長大辭父母出家翹勤精進

得阿羅漢少欲知足兼多知識心怖閑靜在
邊房中後向香山中住大軍王命終難看王
戀慕懊惱種種供養後爲起塔多弟子三藏
將數百千衆向拘舍弥說法難看王向三藏
所聽法即除去憂愁於佛法所得信敬心念
如來功德及與沙門能施無畏問諸比丘言
彼三惡王於幾時中毀滅佛法荅言十二年
毀滅佛法王言我今十二年中當作般遮于
瑟於是王在拘舍弥作般遮于瑟當作之日
閻浮提普雨甘雨一切穀米一切樹木一切
花果皆悉成熟閻浮提人爲欲供養諸衆僧
故來向拘舍弥亦時衆僧多利供養飲食衣

服無有誦習讀經行道但晝則俗話夜則睡眠貪著利養在嚴身體著好衣裳當於介時無遠離樂無寂靜樂無禪定樂無智慧樂唯寶穢身以爲堅實爲法作怨非法增長法幢將傾慢幢欲立正法欲滅熾然使火燒壞法輪法海欲竭法山欲崩法城欲壞欲伐法林欲覆定慧斷戒瓔珞與於正法作大過患天龍夜叉虬闍婆皆生譏嫌言此諸衆僧不修善業如是惡人壞滅佛法常習諸惡多作不吉少有信心爲邪見壞諸善根本今悉斷滅不畏殃咎無悲忍心遠離真諦拔倒法幢不信不調好作惡業破法經律害出家衆好行

諸惡長養憍慢諂僞詐稱偷劫法庫佛法滅
相今悉覩見法海欲涸餘光無幾學惡法者
無智慧者必滅佛法諸天不喜不加擁護由
此事故却後七日正法當滅諸天空中極大
懊惱發大音聲而作是言如來正法後七日
夜因諸比丘聞諍故滅時拘舍弥有五百優
婆塞為佛法故諫諸比丘滅其聞諍皆唱恠
哉如來行法必當滅壞法流必斷釋師子法
今則為彼惡黨諍斷遂作偈言

金剛之身心

猶尚有壞敗

況危脆身心

而當不碎壞

一切見聞法

其性自磨滅

安隱好時過

毒惡勢已至

有智者盡滅

數現諸世惡

相佛必滅壞

世間欲黑闇

無垢法日沒

大冥苦將至

救世尊法盡

善惡誰能知

若不知諸善

云何能得知

解脫之正要

及以人天道

若不知諸惡

云何而得離

佛法如明燈

得修集諸善

佛法若在世

福田勝無量

佛法若滅者

作福田有量

我以不堅財

當易堅牢法

佛法從今日

滅盡一何速

拘舍弥五百僧坊寺當布薩時諸優婆塞皆

有忿務不得往香山中阿羅漢名修陀羅

觀閻浮提衆僧當於何處布薩即知凡是佛

弟子皆集拘舍弥布薩衆僧既集今時僧遣

維那唱言今十方僧和合布薩時三藏比丘
多有弟子最爲上座白諸衆僧言世尊十方
弟子皆來集此如此大衆我爲上座我已到
多聞彼岸而猶不能具持佛戒今此衆中誰
有持戒比丘而當說戒今十五日極可愛樂
日月分明衆僧皆以說戒故皆和合現閻浮
提沙門釋子盡來聚集是最後集此中誰能
持釋師子戒修陀羅起而合掌在上座前而
作是言願可布薩我能說戒如佛在世舍利
弗目犍連所持之戒我今具持但願說戒三
藏弟子字噫伽度惡而無慈生嫌嫉心捉持
利刀殺修陀羅時有夜又名爲樂面而作是

言閻浮提內唯有一阿羅漢云何殺之便以
金剛杵打噫伽度頭作七分修陀羅弟子復
殺三藏於是已後佛法尋滅尔時大地震動
大星崩落諸方火起諸天空中擊磬失聲四
方火烟起十方諸天空中涕泣佛在世時見佛
夜叉五體投地覆面下向作是言曰從今已
後不聞佛法不聞毗尼不聞戒律法橋已壞
斷絕法流法海乾竭法山崩倒法寺已盡法
行已絕法藏已壞法甘露已竭能說法者皆
悉已滅教坐禪者亦復已喪佛母摩訶摩耶
從天來下悲哀涕泣而作是言咄哉恠哉我
子王阿僧祇劫所集之法今日滅盡我子徒

衆能師子吼者爲何所在勇健威猛摧魔軍
者今安所寄從法身生者亦何處去納衣空
閑者今爲所在能持佛法者復何處去也諸
善勝法盡離衆生閻浮提好莊嚴事一切盡
滅猶如月蝕法施無畏施財施信戒施忍施
如是諸勝施皆何所在如是悲哀已還歸天
上五百優婆塞聞法滅盡出劫舍弥至僧坊
所高舉兩手自搥胷背悲號懊惱涕泣而作
是言何其恠哉何其苦哉即說偈言

善語永離別

大惡災害世

誰當授我戒

誰所聽法言

愚癡遍世界

大明悉摩滅

世間大黑闇

樂著諸惡業

舉世皆如鹿

無有厭離想 佛語盡摩滅 都棄清淨業
大死既已至 皆當墮惡道 世間如虛空
悉離於星月 如華無諸蜂 林無拘枳羅
念定及智慧 十力世尊法 今悉盡滅壞
衆生何所怙 衆生何所怙 今悉盡滅壞
今時拘舍彌王聞三藏比丘及聞修陀羅阿
羅漢二人俱死懊惱瞋恚殺諸道人破壞塔
寺佛告四天大王汝當擁護佛法乃至滅盡
四天大王白佛言世尊唯然受教作是語已
便還天上

經唄

下音讚

音敗

也

豁然

反上呼

前垣

二音

忽

字忽

糜

碑密

反也

嚼

反才約

涎唾

連上似

蛆虫

徐反

痒

音養

把

搔

上正作

肥步

麻

葦削

也上羽

鬼

蘆竹

反

反

反

反

反

反

反

反

反

反

痛

上徒

瘡

瘰

夷

下音

叩頭

上音

候

反音

口

又苦

擊也

毆吐

上烏

烏

烏

烏

口反

嘔

啜

食

上子

適罰

上音

摘

娉

反併

反

反

反

反

反

反

反

反

上正

涸

竭

音鶴

冰

危脆

下取

膊

音博

肘

知柳

反

反

反

反

反

反

反

譏嫌

上居

恨也

責

噫

伽

上音

醫

又

月

能

音

音

音

音

音

下音

食

侵

日

忿

務

上七

紅

枳

羅

上居

只

反

反

反

反

反

反

也依

神

日

日

忿

務

上七

紅

枳

羅

上居

只

反

反

反

反

反

反

